

Գ Լ Ո Ւ Խ Գ .

Պորտովիևայի Հայոց աշխարհական խորքն ու
սովորութիւնքն :

Հայք իրենք զերենք կ'անուանեն Հայ¹. ունին մեծանիստ կերպարանք, սաստիկ սեւ մեծ ու կրակոտ աչք, սեւ մազ, աւելի գունատ քան թուխ գոյն. սակայն կը գտնուին, թէեւ ցանցառ, դեղնահեր Հայեր. ունին միջին կազմածք եւ զօրաւոր եւ լաւ աճած մարմին: Չեչադէմ շատ ցանցառ է Հայոց քով: Ար կարծուի՝ որ Ծաղկի պատուաստը Հայոց ձեռքք Եւրոպա անցած է²:

Հայք ունին բոլորովին համեստ կեանք, բնակութիւն, հանդերձ եւ կերակուր. մեծապէս ժուժկալ են — վասն զի արբեալ Հայ մը տեսնել շատ ցանցառ բան է — չափաւոր եւ ողջախոհ, շատ հիւրասէր, առեւտրի մասնաւոր ձիրք ունին, շատ զուարճախօս են եւ ճարտասան:

Յորեկն, մանաւանդ ճամբորդութեան ժամանակ՝ քիչ կ'ուտեն, իրիկուան արեւելեան սովորութեան համեմատ՝ բազմախորտիկ ընթրիք մը կ'ընեն:

Թէեւ Հայք սահմանաւորեալ եւ անջատեալ ազգութիւն մը կը կազմեն, սակայն ուրիշ ազգաց եւ կրօնից հետ շատ սիրով կը վարուին. նաեւ յաճախ անոնց հետ կ'ամուսնանան: Ամուս-